

Na osnovu člana 32. Zakona o javnim nabavkama Bosne i Hercegovine ("Službeni glasnik BiH", broj 39/14), a nakon provedenog otvorenog postupka u skladu sa Zakonom o javnim nabavkama Bosne i Hercegovine – Obavještenja o nabavci, broj: 1075-1-1-220-3-27/18, objavljenog sistemu „e-nabavki” kao i u „Službenom glasniku BiH”, broj S1-19354 od 19. 10. 2018. godine, S2-19652-18 i S2-19962-18/18 od 26.10.2018. godine, te Odluke o izboru najpovoljnijeg ponuđača direktorice Zavoda za javno zdravstvo Kantona Sarajevo broj: 05.12.99-6716-Odluka o izboru Lot 8/19 od 03.01.2019. godine, kojom se prihvata Ponuda ponuđača „SEMIKEM“ d.o.o. Vogošća kao najpovoljnija i kojom se sa ponuđačem “SEMIKEM“ d.o.o. Vogošća, zaključuje Okvirni sporazum za sukcesivnu nabavku robe za LOT 8 – ANTIBIOGRAM DISKOVI, za potrebe J.U. Zavoda za javno zdravstvo Kantona Sarajevo, zaključuje se sljedeći:

OKVIRNI SPORAZUM ZA SUKCESIVNU NABAVKU ROBE LOT 8 – ANTIBIOGRAM DISKOVI

Između strana:

J.U. ZAVOD ZA JAVNO ZDRAVSTVO KANTONA SARAJEVO, ul. Dr. Mustafe Pintola br.1/III Ilidža-Sarajevo, identifikacioni broj: 4200329950003 (u daljem tekstu: Ugovorni organ), koga zastupa prof.dr.med.sc. Aida Pilav, direktorica,
i
“SEMIKEM“ d.o.o., ulica Omladinska 44, Vogošća, identifikacioni broj: 4200003250001, identifikacioni PDV broj: 200003250001, koga zastupa direktorica Sabina Merdić, (u daljem tekstu: Dobavljač).

Član 1.

Ovim Okvirnim sporazumom utvrđuje se način i uslovi pod kojima Dobavljač prodaje, a Ugovorni organ kupuje robe navedene u Ponudi - Specifikaciji za **LOT 8 – ANTIBIOGRAM DISKOVI**, u skladu sa Ponudom ponuđača, broj: 174/18 od dana 29.11.2018. godine.

Okvirni sporazum se zaključuje u iznosu od 16.068,20 KM, sa uključenim PDV-om.

Član 2.

Predmet ovog Okvirnog sporazuma je sukcesivna nabavka **ANTIBIOGRAM DISKOVA - LOT 8** (u daljem tekstu: roba) a prema cijenama koje je Dobavljač robe ponudio u Obrascu za cijenu ponude (Anex III).

Dobavljač se obavezuje da cijene navedene u specifikacijama neće mijenjati u periodu od jedne godine od dana zaključivanja Okvirnog sporazuma. Robu iz ovog Okvirnog sporazuma Ugovorni organ nabavlja za obavljanje svoje djelatnosti.

Ugovorni organ i Dobavljač su saglasni da se Sporazum realizuje prema definisanim uslovima u tenderskoj dokumentaciji.

Član 3.

Dobavljač se obavezuje da će robe iz prethodnog člana i koje su predmet ovog Okvirnog sporazuma, isporučivati Ugovornom organu u roku od **20 dana od dana narudžbe**, pod uslovima iz Ponude i ovog Okvirnog sporazuma. Isporuka roba vršit će se isključivo po Narudžbi Ugovornog organa.

Član 4.

Dobavljač se obavezuje da uz svaku isporučenu robu dostavi Ugovornom organu Certifikat o kvaliteti isporučene robe.

Certifikat o kvaliteti isporučene robe mora biti u skladu sa evropskim standardima o kvaliteti i certifikatima o kvalitetu proizvođača za ponuđene robe.

Dobavljač se obavezuje, uz isporučenu robu, obezbijediti i drugu adekvatnu prateću dokumentaciju.

Član 5.

Na osnovu Okvirnog sporazuma, Ugovorne strane će zaključiti pojedinačne Ugovore sa rokom važnosti ukupno do važnosti Okvirnog sporazuma, zavisno od interesa Ugovornih strana, a pod uslovima utvrđenim u Obavještenju o javnoj nabavci i tenderskom dokumentacijom i u skladu sa odredbama Zakona o obligacionim odnosima.

Član 6.

Dobavljač se obavezuje, da će najkasnije u roku od 24 (dvadesetčetiri) sata, pismeno obavijestiti Ugovornog organa u slučaju da nije u mogućnosti ispoštovati rok iz prethodnog stava.

Član 7.

Dobavljač će vršiti sukcesivnu isporuku roba po cijenama iz Ponude i te cijene se neće mijenjati u 12 (dvanaest) mjeseci od dana zaključenja ovog Okvirnog sporazuma.

Član 8.

U slučaju kašnjenja u isporuci roba, do kojeg je došlo krivicom odabranog Ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 5 kalendarskih dana s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe. Odabrani Ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponuđač nije mogao uticati niti ih predvidjeti.

Ukoliko Dobavljač na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Okvirnog sporazuma i pravo naplate u slučaju nastanka štete zbog neispunjenja Ugovorne obaveze.

Član 10.

Plaćanje iz prethodnog člana vrši se po fakturi Dobavljača, koju će Dobavljač ispostaviti nakon isporuke robe.

Ugovorni organ se obavezuje platiti Dobavljaču po cijenama navedenim u Ponudi, na žiroračun Dobavljača u roku od 30 (trideset) dana od dana dobijanja fakture.

Član 11.

Ugovorne strane mogu otkazati ovaj Okvirni sporazum pismenim putem.

Okvirni sporazum se smatra otkazanim u roku od 30 dana od dana prijema pismenog Obavještenja o otkazu Okvirnog sporazuma.

Član 12.

Svaka promjena ugovorenih odredbi povlači za sobom sačinjavanje posebnog Aneksa Okvirnog sporazuma.

Do potpisivanja Aneksa Okvirnog sporazuma obustavlja se izvršenje ugovorenih obaveza.

Član 13.

U slučaju eventualnih sporova, ugovorne strane obavezuju se da sporove riješe mirnim putem, a uslučaju da se spor ne riješi mirnim putem, za rješenje spora mjesno je nadležan Sud u Sarajevu.

Član 14.

Okvirni sporazum je sastavljen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Član 15.

Ovaj Okvirni sporazum smatra se zaključenim danom potpisivanja Ugovornih strana, a primjenjuje se u periodu od 12 mjeseci od zaključenja Okvirnog sporazuma.

SEMIKEM d.o.o.
VOGOŠĆA
DIREKTORICA





Sabina Merdić

Broj: 13/19
Sarajevo, 30.1.19. godine





Prof. dr. med. sc. Aida Pilav

Broj: 05.12.99-6716-Okvirni sporazum- LOT 8/19
Sarajevo, 25. 01. 2019. godine.

